


增訂十
一版西
湖游覽
指南
附觀潮指南



商務印書館印行

增訂十版
西湖遊覽指南序例

(附觀潮指南)

杭之西湖。爲吾國第一名勝。自滬杭通車。遊客驟衆。恆以指導無人。致感不便。因思東西各國名都大邑。必有指導專書。遊歷者既免大境問俗之煩。復得循途進行之樂。乃師其意。以編西湖遊覽指南。

關於西湖之著述。舊有田汝成西湖遊覽志。李衛西湖志。翟灝湖山便覽等書。然皆作自有清嘉慶以前。距今年遠。湖山勝蹟。興廢靡常。陳編所述。證之今茲。輒多抵觸。且其體例亦未足爲游客之指導也。

一、是書不獨詳於西湖方面。凡城中江干北墅。西溪東皋諸路。均有紀述。

一、是書編纂時。所甄採之各書五十餘種。如杭州府志。仁錢邑志。西湖遊覽志。西湖志。湖山便覽。湖山敘遊。西湖夢尋。夢梁錄。西湖治興。武林舊事。西湖遊記。西泠遊記。西湖水利考。西湖雜記。西湖遊記。神州古史考。西湖小史。南宋古蹟考。西村十記。西湖紀述。西子湖拾翠餘談。西湖韻事。古杭雜記。孤山志。錢唐遺事。西溪梵隱志。南漳子。湖墅雜詩。清波小識。東城雜記。東城記餘。定鄉小志。武林第宅考。西泠懷古集。郭西小志。四時幽賞錄。武林游記。東河權歌。艮山雜志。皋亭山志。武林坊巷

志。北隅掌錄。北隅綴錄。北郭詩帳。三塘漁唱。兩浙輜軒錄。兩浙金石志。江干雜詠。武林雜事詩。武林市肆吟。靈峯志。浙路輜軒表。是也更益以編者之親歷。詳審纂輯。乃克成此。

一、杭之名勝甚多。山水繁複。無人指導。易入迷津。是書於各處名勝之距離之方位。及游覽之途徑。悉詳載之。並附西湖全景圖一幅。及各景插圖凡三十三幅。且即游玩之貲費時刻。亦皆一一說明。假定爲十日遊程。尤爲簡明。

一、今爲便利遊客計。故於旅中食宿游覽及一切應知之事。考查明確。言之綦詳。

一、杭城內外各種事業之地址。亦皆詳晰調查。

紀載詳確。

一、書中附滬杭甬鐵路客票價目表。滬寧鐵路客票價目表。滬寧滬杭甬鐵路運客普通規則。蘇杭小輪客票價目表。

一、舊曆八月十八日浙江之潮。爲古今中外人士所屬目。或觀之於錢塘。或觀之於海寧。而海寧尤爲大觀。自滬杭甬鐵路局由滬特開專車前往海寧以來。交通便利。游客益多。因特纂訂觀潮指南以資指導。倘能先時披閱。一切了然。則糜費誤時之弊。更可悉免。本編既附錢塘潮海寧潮二圖。且於觀潮之故事。觀潮之題詠。皆泚筆及之。亦以備文人學士。即事吟詠之資料。冀免臨時撝撝之煩云爾。

增訂十版西湖遊覽指南目錄

(附註頁數)

序例

西湖全景圖

附圖三十三幅附見各頁

從蘇堤望雷峯塔三白堤四斷橋殘雪五

孤山六平湖秋月七西泠印社八公園內

景十小曲園十紅櫟山莊十三水竹居十四

端友別墅十五退省庵十七由北裏湖望保

俶塔側景二十葛嶺二十一玉泉觀魚二十三

靈峯寺二十四靈隱前山門二十五靈隱寺

大殿二十六壑雷亭二十七韜光二十九天竺

三十湧金門外三十二淨慈寺三十三南屏晚

鐘三十四石屋洞三十七南高峯及北高峯

三十八法相寺門外山徑三十九九溪十八

澗四十二理安寺四十三雲棲四十四六和塔

四十九花臨六十六風木齋六十九

杭縣之沿革疆界及山水……………一

西湖概說……………二

八路……………三

孤山路……………四

白沙隄……………四

孤山……………六

蘇小小墓……………一二

蘇公堤……………一二

裏湖·····	一三
外湖·····	一六
後湖·····	一八
北山路·····	一八
錢塘門外·····	一九
寶石山 保俶塔·····	一九
葛嶺 棲霞嶺·····	二一
仙姑山 清澗寺 玉泉·····	二二
靈峯·····	二四
靈隱山 飛來峯·····	二五
北高峯 韜光·····	二八
下天竺 中天竺 上天竺·····	二九
南山路·····	三一

湧金門外·····	三一
清波門外·····	三二
南屏山 雷峯 雷峯塔·····	三三
方家峪·····	三五
赤山 九曜山·····	三五
石屋嶺 石屋洞 煙霞嶺 煙霞洞·····	三六
南高峯·····	三八
大慈山 虎跑泉·····	四〇
丁家山·····	四〇
風篁嶺 龍井·····	四一
九溪 滿覺壠·····	四二
理安山 理安寺·····	四三

五雲山 雲棲寺……………四四

萬松嶺……………四五

鳳凰山……………四六

江干路……………四六

候潮門外 錢塘江……………四六

包家山……………四七

龍山……………四七

月輪山 六和塔……………四八

定山 范村 朱橋 風水洞 浮山……………五〇

城中路……………五〇

東河區域……………五一

中河區域附小河……………五六

西河區域……………六〇

吳山區域……………六二

寶月山……………六三

七寶山……………六三

瑞石山……………六四

伍公山……………六四

西溪路……………六五

松木場 古蕩 秦亭山……………六五

法華山 花隴……………六五

石人塢 安樂山……………六六

梅花泉……………六七

河渚……………六七

西溪近人之別業……………六八

留下	七〇	皋亭山	七四					
白栗山	大青嶺	大嶺	桐塢	七〇	黃鶴山	佛日山	桐扣山	七五
橫山	七〇	超山	七六					
龍門山	白龍潭	七〇	西湖十景	七六				
荊山	七一	西湖四時	七九					
北墅路	七一	遊客須知	八〇					
馬腔	七一	遊客行程	八一					
湖墅	七一	旅館略說	附表	八七				
大關	七二	酒館飯館茶樓略說	九二					
拱宸橋	七三	戲園娼寮彈子房照相館盆湯略說	九三					
東皋路	七三	交通略說	九四					
艮山門外	七三	金融略說	九六					
笕橋	七四	物產略說	九六					

各種事業名稱地址 中華民國八年六月調查 九九

官廳局所 公會及官項性質之事業附 九九

學校 一〇一

報章 書籍印刷業附 一〇六

交通轉運附 一〇七

醫院醫士附 一〇八

金石書畫家 一〇九

慈善事業 一一〇

會館 一一〇

金融 一二二

著名工商業 一二三

雜類 一一七

滬寧滬杭甬鐵路運客普通規則

觀潮指南目錄

附錄 詳見民國七年八月 一一八
滬寧滬杭甬鐵路旅行指南
蘇杭小輪客票價目表二則 一三六

附註
頁數

浙江潮之概略 一

浙江潮之神話 四

錢塘觀潮 六

附錢塘潮圖 七

海寧觀潮 一一

附海寧潮圖 一一

觀潮故事 一一七

觀潮題詠 一二〇

增訂

西湖遊覽指南

杭縣徐珂仲可纂訂

杭縣丁以布宣之參校

杭縣之沿革疆界及山水

杭爲浙江省會。最古曰禹杭。俗說餘杭秦曰錢唐。隋曰杭州。唐改唐爲塘。宋吳越納土。嘗稱仁和。南宋作京。則曰臨安。清爲仁和錢塘二縣治。合以省外之六縣一州。稱杭州府。民國成立。併仁錢而爲杭縣。襟江帶海。擁湖負山。靈秀甲全國。其境東至海寧。西界餘杭。北接崇德。崇德舊稱石門西北接德清南毗富陽。境內諸山。遠祖仙霞。近則自天目飛舞而來。嶺岬

於天竺。自此而南而東。爲龍井。爲大慈。爲玉岑。爲積慶。爲南屏。爲龍。爲鳳。爲吳。總曰南山。自此而北。爲靈隱。爲仙姑。爲履泰。爲寶雲。爲巨石。總曰北山。兩山環列。中抱西湖。其餘如城東之皋亭。遠而至於棲溪諸山。則別爲一路。不與此聯絡云。

河渠。城內東中小西四河。惟東爲大。直出艮山水門。與城外諸水滙。洪流巨浸。灌漑土田。有上塘河。自艮山門迄長安壩。有下塘河。自北墅迄大麻邨。有宦塘河。自高橋迄奉口。所謂三塘是也。此外如沙河。東行城外。南通江。北與上塘河會。城中地勢高峻。作建瓴狀。故上河皆築隄壩以限水。且西湖實高於河。故亦築閘焉。舊說與江通。代遠年湮。不可考已。

西湖概說

我國以西湖著稱者三十一。而屬於浙者六。長興鄞永嘉德龍游井杭而爲六杭最有名。然唐以前亦寂然無聞。自唐李泌鑿通湖流。白居易及宋蘇軾出守是邦。築二長堤。復有騷人墨客。高僧名妓。寄跡其間。而名始大著。宋高宗建都臨安。冠蓋雲集。笙歌金粉。繁華甲於一時。世遂有銷金鍋之稱。清聖祖康熙高宗隆乾屢次巡幸。乃益有聲。舊名錢塘湖。又曰明聖湖。金牛湖。石函湖。上湖。高士湖。放生池。西陵。西泠。西子湖。雖稱謂不一。然以其地在城西。故通稱西湖。湖周三十餘里。三面環山。谿谷縷注。下有淵泉百道。瀦而爲湖。蓄潔淳深。圓瑩若鏡。中有孤山。獨峙水心。山前爲外湖。山後爲後湖。西互蘇堤。堤以內

爲裏湖。全湖面積。約占十六方里。

湖水視之似淺。然泥鬆。輒不知底之深淺。俗有香灰泥之稱。而遇旱不竭。杭縣及海寧縣清海寧州之田。皆資以灌溉。宋時修治最勤。及元沒。爲菱田。荷蕩。屬於土豪。明初仍不修。六橋之西。悉成池田。桑埂中僅一港。可通酒船。景泰七年。鎮守浙江孫原貞始議開濬。歷弘治正德。毀田蕩。漸復舊規。清初復失修。淤泥菰葑。充塞瀾漫。兩堤六橋及諸名勝。先後傾圮。康熙二十四年。巡撫趙士麟使工浚之。二十八年。聖祖巡浙。駐蹕西湖。御製詩。有長堤十里。跨湖波。官柳青青。覆軟莎。句。己卯癸未乙酉丁亥。屢次臨幸。守土者乃濬之。闢孤山以建行宮。疏湧金門城河。使達御舟。城內行宮。則四十六年四十

七年所重治也。雍正二年。勅工部濬湖。時李衛督浙。與光祿卿王鈞捐資給費。興工期年。淤者通之。塞者去之。傾圯者整理之。蒔果種魚。栽花補柳。而名勝頓復舊觀。咸豐粵寇之變。名勝悉遭兵燹。邑人丁申字竹舟。丁丙字松生。言於大吏。次第規復。恆斥私財。以濟不足。旋設濬湖局。丙與徐恩字香印。鄒在寅字典三。董理之。置船僱役。日事修濬。湖山煥然。漸復本來面目。民國成立。改西湖工程局。且用機器以濬之焉。比年以來。雖尙不免荒蕪。而新築之園林祠廟。亦足點綴湖山。惟西式樓臺。日益增多。環湖馬路。漸次興築。昔人詩云。欲把西湖比西子。今則西子作西裝矣。

八路

田氏 西湖 遊覽 志分 四路 曰孤 山路 曰北 山路 曰南 山路 曰吳 山路

從 蘇 隄 望 雷 峯 塔



李氏西湖志增入西谿路。翟氏湖山便覽另闢江干路。今廣爲八路。曰孤山路。曰北山路。曰南山路。曰江干路。曰城中路。而以吳山一路隸之。曰西谿路。曰北墅路。曰東皋路。如是則益臻賅備。不獨全湖盡納。而杭城內外勝蹟亦且囊括無遺矣。


孤山路

孤山路。以白沙隄錢塘門外爲起點。孤山爲中樞。蘇公隄爲尾閭。西爲裏湖。南爲外湖。北爲後湖。


白沙隄

白沙隄。在錢塘門外。自斷橋起。迤邐經孤山。至西泠橋止。可三里餘。堤之西爲裏湖。北爲後湖。南爲外湖。唐白居易詩。誰開湖寺西南路。草綠裙腰一道斜。言堤在湖中。草綠時望如裙腰也。歲久隄圯。

白 隄



明萬曆時修築。雜植花木。又名錦堤。中建望湖亭。錦帶橋。垂露亭。爲




一湖之勝。清雍正二年。堤加廣丈餘。加高二尺。補植花木。年來桃柳尙盛。馬嘶芳草。人醉玉樓之景。輒於此得之。堤東有斷橋殘雪亭。斷橋下有綠柔湖舍。水堂。志爲清吳興張氏別墅。或謂隄築於唐長慶前。因首字與白居易姓同。遂誤以居易所築者當之。實則居易所築。別有一堤在錢塘門北。由石函橋北至武林門。則名爲白公堤也。

孤山

孤山。或曰孤嶼。又曰瀛嶼。以聳立湖中。旁無聯屬。得名。可由新市場。即舊乘舟直達。或陸行出錢塘門。取道白沙堤。渡斷橋。一段橋。及錦帶橋。亦可至山東畔。原有清六臣祠。爲帥公祠所改。祀帥承瀛彭玉璣劉典楊昌濬曾國荃李鴻章。今廢。又有平湖秋月亭。

山

孤




北有蓮池。庵有陸宣公祠。祀唐陸贄。祠爲明嘉靖時少保陸炳建。清

雍正九年重修世祖題內相經綸額其西爲吟香別業亦名處留本一

平 湖 秋 月



半勾留是此湖之意也。今廢。再過爲蘇文忠公祠。祀宋蘇軾。左爲白公祠。祀唐白居易。旁有照膽臺。臺建於明萬曆。祀後漢關羽。其東南瀕湖處。有猶太人哈同妻羅迦陵新築精舍。風廊水榭。樓閣參差。曰寰瀛一築。過此。舊有詰經精舍。爲浙士講學之所。昔之正氣先覺遺愛祠。在其後進。西爲三忠祠。祀清抗論拳匪被戮之袁昶許景澄徐用儀。聖因寺在其左。寺舊爲行宮。乃清康熙四十四年。聖祖南巡駐蹕之所。雍正五年。世祖改爲聖因寺。經粵寇之亂。樓亭廢圯。後稍復舊觀。宣統辛亥。民軍起。浙兵攻克江寧。將士之陣亡者。特就寺改祀之。曰南京陣亡將士祠。今改名浙軍昭忠祠。祠前有紀念碑。乾隆十六年。高宗南巡至浙。復於西寺建



行宮。適當孤山正中。燬於粵寇。惟門殿尙存。由東偏門入。卽文瀾閣。藏四庫全書。經粵寇兩亂。書多散失。丁申丁丙極力搜訪。十得八九。東南文獻。賴以不墜。閣亦由浙撫譚文勤公鍾麟復建。閣前假山嶙峋。綢雲石在焉。有橋有洞。結構殊佳。其西偏改爲公園。就山而築。亭欄屈曲。花木參差。於此登眺。全湖在望。誠湖山最勝處也。光緒朝。城中建藏書樓。今分其籍於湖上。改建浙江圖書館於公園之右。再過爲清東閣。大學士徐文敬公潮家祠。祠旁有壺春樓。可小酌。相近有朱文公祠。祀宋朱熹。廬舍庵卽在其側。又有左蔣二公祠。祀清左文襄公宗棠。蔣果敏公益澄。祠舊爲蔣公專祠。徐恩綬聯云。神樂應歌楚些曲。明湖可惜蔣山遙。有柏堂。

竹閣。其後爲西泠印社。丁上左。丁仁。皆立舟。王壽祺。王同等。扃。中有仰賢亭。奉清印人丁敬身等石刻像。又有山川雨露圖書室。寶印山房。印泉。文泉。小盤谷。諸勝。及四照閣。故址。光緒甲寅春重建。登閣而望。全湖勝景。一覽無餘。閣左爲題襟館。社中更有斯文廬。祀清學政吳存義等。社旁爲數峯閣。祀明崇禎甲申死事倪元璐。凌義渠。周鳳翔。施邦耀。吳麟。徵陳良謨。其右有西湖工程局。次爲郭孝童金科墓。丁丙表之。再次爲痘神祠。再次爲廣化寺。舊名孤山寺。中有六一泉。蘇軾所名。以紀念歐陽修者。山之前後。相傳有泉。僕夫泉。參寥泉。金沙井等。今不可訪。廣化寺旁有俞樓。爲清德清俞樾。字陸別墅。曰小曲園。再過爲武進盛氏家祠。